

Reglugerð um bikarkeppni SKÍ á snjóbrettum

Um bikarmót

1. Keppa skal í eftirfarandi flokkum hjá hvoru kyni: ¹

| | 2024/2025 | 2025/2026 | 2026/2027 |
|---|---------------|---------------|---------------|
| U13 | 2013 2012 | 2014 2013 | 2015 2014 |
| U15 (FIS SS, BA) | 2011 2010 | 2012 2011 | 2013 2012 |
| U17 (FIS SS, BA, SBX) | 2009 2008 | 2010 2009 | 2011 2010 |
| Fullorðinsflokkur (FIS SS, BA og SBX)* | 2011 og eldri | 2012 og eldri | 2013 og eldri |

*Nema ef SBX er FIS mót þá er fullorðinsflokkur U17 og eldri.

2. Halda skal tvö (2) bikarmót auk Snjóbrettamóts Íslands.

| | |
|-----------------------------|-------------------------------------|
| Fyrri bikarmót (TTR) | SS (SBX eða BA val hjá mótshaldara) |
| Seinna bikarmót (FIS) | SS (SBX eða BA val hjá mótshaldara) |
| Snjóbrettamót Íslands (FIS) | SS og BA |

3. Umsóknir um bikarmót skulu berast SKÍ fyrir 15. apríl. Ofangreind mót skulu vera opin öllum aðildarfélögum SKÍ. Á ráslistum og úrslitum þessara móta skal tilgreina hvaða félag keppandi keppir fyrir.
4. Sé ekki hægt að halda mótið á fyrirhuguðum stað má mótshaldari færa mótið í samráði við snjóbrettanefnd SKÍ á stað sem uppfyllir kröfur SKÍ um aðbúnað keppenda, gistingu og keppnisbrekkur. Ef mótshaldari sér sér ekki fært að halda mótið skal hann vísa því til snjóbrettanefndar SKÍ með viku fyrirvara og skal nefndin þá setja mótið á varastað eða á annan þann stað sem fært er. Takist ekki að halda mótið á úthlutaðri helgi skal snjóbrettanefnd SKÍ úthluta því á ný og halda það á fyrstu lausu helginni óháð verkefnum erlendis. Ef þær aðstæður skapast að ekki er hægt að halda öll bikarmótin og/eða ákveðnar greinar, getur snjóbrettanefnd SKÍ í samráði við stjórn SKÍ aflýst móti og/eða breytt greinum eftir aðstæðum.
5. Innheimt eru keppnisgjöld skv. gjaldskrá SKÍ fyrir hvern skráðan keppanda í hverri grein og er það ekki afturkræft, þótt hann komi ekki til leiks þ.e. ef hann er á ráslista.
6. Í lok hvers móts skal mótshaldari senda úrslit á öll þátttöku félög sem og skrifstofu SKÍ.

¹ Ártöl í aldursflokkum uppfærð skv. ákvörðun þings 21. sept. 2024.

7. Verðlaun á bikarmótum:

| | |
|--------------------|-----------------------------|
| Fullorðinsflokkur* | Þrjú verðlaun af hvoru kyni |
| U17 | Þrjú verðlaun af hvoru kyni |
| U15 | Þrjú verðlaun af hvoru kyni |
| U13 | Þrjú verðlaun af hvoru kyni |

* ekki skal veita sérstöku verðlaun fyrir FIS/TTR mót. Einungis eitt sett af verðlaunum fyrir allan fullorðinsflokkinn.

Verðlaun í lok hvers tímabils fyrir bikarmeistara:

| | |
|-------------------|-----------------------------|
| Fullorðinsflokkur | Þrjú verðlaun af hvoru kyni |
| U17 | Þrjú verðlaun af hvoru kyni |
| U15 | Þrjú verðlaun af hvoru kyni |
| U13 | Þrjú verðlaun af hvoru kyni |

8. Á bikarmótum skal vera eftirlitsmaður og/eða dómnefnd, sem skipaður/skipað er af SKÍ eða FIS, skv. reglugerð um eftirlitsmenn og dómara.

9. Að öðru leyti gilda hinar almennu reglur FIS.

Útreikningur á bikarstigum – Snjóbretti

1. Árlega skal fara fram bikarkeppni SKÍ í öllum flokkum 12 ára og eldri og veitt stig skv. úrslitum úr bikarmótum og Unglingameistaramóti Íslands og koma þau öll til útreikningsúrslita.

2. Stigagjöf er þannig:

| | | | | | |
|----------------|----------|----------------|---------|----------------|---------|
| 1.sæti | 100 stig | 11.sæti | 24 stig | 21.sæti | 10 stig |
| 2.sæti | 80 stig | 12.sæti | 22 stig | 22.sæti | 9 stig |
| 3.sæti | 60 stig | 13.sæti | 20 stig | 23.sæti | 8 stig |
| 4.sæti | 50 stig | 14.sæti | 18 stig | 24.sæti | 7 stig |
| 5.sæti | 45 stig | 15.sæti | 16 stig | 25.sæti | 6 stig |
| 6.sæti | 40 stig | 16.sæti | 15 stig | 26.sæti | 5 stig |
| 7.sæti | 36 stig | 17.sæti | 14 stig | 27.sæti | 4 stig |
| 8.sæti | 32 stig | 18.sæti | 13 stig | 28.sæti | 3 stig |
| 9.sæti | 29 stig | 19.sæti | 12 stig | 29.sæti | 2 stig |
| 10.sæti | 26 stig | 20.sæti | 11 stig | 30.sæti | 1 stig |



3. Ef einstaklingar á meðal þriggja efstu keppendanna eru jafnir að stigum eftir veturinn skal þeim raðað eftir fjölda 1. sæta, 2. sæta, 3. sæta o.s.frv. sem þeir hafa náð á vetrinum. Sé ekki hægt að gera upp á milli keppenda á þennan hátt, skulu báðir eða allir hljóta verðlaun samkvæmt sæti sínu.
4. Úrslit skulu reiknuð og birt að loknu hverju móti fyrir sig og hljóti þrjú efstu í hverjum flokki verðlaun að loknu síðasta móti. Einungis fullkláruð mót koma til útreiknings.
5. Reikna skal saman stigafjölda þriggja bestu hvers félags fyrir sig sem það vinnur sér inn í hverjum flokki. Veita skal stigahæsta félaginu í eftirtöldum flokkum verðlaun:
 - U13 og eldri (bæði kyn saman).

*Samþykkt á skíðaþingi 30. október 2021
Breytingar samþykktar á Skíðaþingi 18. og 19. nóvember 2022*